

▲命令▼

內政部令

令各審檢廳

爲令行事查官吏之設所以利民考績之嚴所以善治故周官以六計課吏漢代以上計錄官蓋惟澄叙官方乃以端肅治本況司法官吏與人民直接法官之臧否人民之利害攸關更不容害馬敗羣濫竿充數本部自奉令收回司法時以興利除弊察吏安民爲職志民爲職 現當整理進行之始凡在職人等各宜鼓勵朝氣激發天良謀司法之改良植人民之幸福本部職司監察一秉至公其有辦事勤能成績卓著者卽分別記功進職如或圖葺玩愒及濫職違法一經發覺有據必實行懲戒處分甄別之期定爲三月神明之地宜凜四知至於各級廳庭所屬吏役各員間有曠職誤公營私舞弊各該官長須負連帶之關係宜爲嚴密之防閑慎勿苟且因循明知姑縱替人任過貽玷官聲須知本部長求才若渴亦嫉惡如讐斷不肯稍徇私情致遺民害特此通令其各自愛凜之切切此令

代理內政總長居正

▲咨文▼

大元帥咨國會非常會議派居正代表出席

爲咨行事本日

貴會議議決軍政府組織大綱修正案茲特派署理內政總長居正代表出席請煩查照此咨

國會非常會議

中華民國七年五月四日

大元帥孫文

大元帥咨國會非常會議辭大元帥職

爲咨明事查軍政府組織大綱修正案經於本日

貴非常會議議決通過文於大元帥任職期內雖自愧德薄能辭幸尙無負

貴會議之付託茲特向

貴會議聲明辭職所有交代軍政府事宜及解散現在服務各職員兵士等辦法自應另行提案咨請貴會議議決此咨

國會非常會議

中華民國七年五月四日

海陸軍大元帥孫文

▲函電▼

電

大元帥辭職之通電

千萬火急廣州省議會莫督軍李省長伍秩庸先生海軍林總司令魏總司令各報館汕頭陳總司令方總指揮韶州李督辦李總指揮張總長林劉沈劉總司令南寧省議會陸巡閱使陳代督軍李省長雲南省議會劉代督軍唐衛戍總司令畢節唐元帥貴陽省議會劉督軍王總司令成都省議會熊督軍呂衛戍總司令重慶黃代省長章太炎先生葉願趙各總司令盧副司令夏宣慰使順慶石總司令保寧顏總司令陳副司令寧遠郭軍長永州譚聯軍總司令程賴馬陸章各總司令劉鎮守使林旅長林民政處長歸州黎石總司令常德張總司令三原胡曹郭焦各總司令上海孫伯蘭汪精衛王儒堂張敬輿岑雲階先生民國日報館及各報館各省省議會各報館均鑒慨自國會非法解散中更復辟之變民國已無依法成立之政府使馮段兩氏果有悔禍之心雖爭個人權利苟能撤銷非法解散國會之命令使國會繼續開會則與一言興邦何異夫誰得而議其後者乃必思以北洋兵力征服全國遂致覺解川湘而全國之統一已破其時桂滇之師皆由地方問題而起而所謂宣告自主者其態度猶屬曖昧似尙置根本大法於不問泯泯蕩蕩莫知底止文不忍坐視正義之弗伸爰於滬上與民國諸老創議護法海軍將士亦有宣言相率南來粵省議會乃有請國會非常會議於廣州於中華民國六年八月卅一日公布軍政府組織大綱文不才被舉爲大元帥雖自知弗能勝此重任然國家多難匹夫有責文忝在手造民國之列

不能視大法之淪亡而不救是用不避險艱不辭勞瘁以爲護法討逆倡使吾國及友邦之人咸曉然於軍政府之職志至於成敗利鈍匪所逆睹凡以存民國人民之正氣於天壤間而已自是厥後粵桂滇黔湘川莫不一致宣言護法始以恢復非法解散之國會爲共同之目的於是地方之爭一變而爲國會之爭軍政府雖無尺地之憑藉而此志已籠罩乎六省而其他表同情而思附義者尙復所在多有均在醞釀發難之中不得不謂護法之已告一成功矣願吾國之大患莫大於武人之爭雄南與北如一丘之貉雖號稱護法之省亦莫肯俯首於法律及民意之下故軍政府雖成立而被舉之人多不就職卽對於非常會議猶莫肯明示其尊重之意內既不能謀各省之統一外何以得友邦之承認文於斯堵口噤音以斬各省之覺悟益已力竭聲嘶而莫由取信知我者謂我心憂不知我者謂我何求斯之謂矣然個人之去就其義小國家之存亡其義大文之所以忍辱負重以訖於今者良以任責無人非得已也凡文之所以謀使各省尊重非常會議爲護法之中心者無所不至今自岳長累敗以來各省始悟分則俱傷合則兩美然後知有組織統一機關之必要且知有以非常會議爲護法中心之必要及今圖之猶未爲晚而文之力固已盡於是矣計自提取鹽稅存款以充國會正式會議經費預定六月十二日爲開會之期文之効忠於國會任務本已將盡乃者非常會議決議改組軍政府以應各省之要求今而後庶可資羣策羣力以光昭護法之大業而告厥成功豈非民國之幸文本匹夫無拳無勇所以用其全力以擁護非常會議者其效果亦既如是庶乎可告無罪於國人茲仍願以匹夫有責之身立於個人地位以盡其扶助民國之天職謹略述顛末向國會非常會議辭大元帥之職幸爲公鑒孫文支

批 示

內政部批

批現押廣州看守所李龍文冤遭淹押由

呈悉已令廣州地審廳迅予判結矣仰即靜候可也此批

批兩廣校外教育院呈推舉院長刊用關防由

呈悉該院院長既經推舉劉傑准予備案至該院關防仰即自行刊用可也關防式樣存此批

批台山縣美籍商人蔡燦請限期結案俾揭封復業由

呈悉已令行廣州地方審判廳務將本案提前辦理以示體恤矣

批汪信呈催訊無訊等由

呈悉已令廣州地方審判廳迅予確查傳訊矣此批

批台山縣民婦伍張氏呈違法強制壓沉命冤由

據呈已悉仰候令行廣東高等檢察廳查明駁回上告理由呈覆核辦可也此批

批關梅氏爲濫押無辜再懇分飭昭雪由

呈悉已令行廣州地方審判廳查照向章准予先行保釋候審矣此批

批乳源縣民余廷松呈懇令飭該縣知事緝匪追贓由

呈悉已令行廣東高等檢察廳迅令乳源縣知事上緊緝匪畫法究治矣此批

批雲浮縣民吳蔡馨呈爲案延未決懇飭高審廳迅予決定由

呈悉已令行廣東高等審判廳迅予查案發交地方審判廳更爲審理秉公判結矣此批

批何景熙懇飭鶴山縣知事准予保釋何成開等由

呈悉已令行廣東高等檢察廳轉令鶴山縣知事迅予查明秉公辦理矣此批

批南海縣民李汝江等呈爲糾黨抹股架題捏欠由

據呈已悉仰候令行地方審判廳飭原審推事迅予秉公辦理可也此批

批雷禮臣呈命案經驗久未起訴由

呈悉已令廣州地檢廳迅予偵查起訴矣此批

批蕉嶺縣公民鍾旭堂等請扣留查辦胡知事林承審由

呈悉已據情咨復陳督辦就近查明辦理矣此批

批劉喜盈呈控法官庇匪由

已於楊倫綱呈內批示飭即遵照

批劉自新呈控法官庇匪由

已於楊倫綱呈內批示仰即遵照

批楊倫綱呈控法官庇匪由

該民所稱法官庇匪各節如果無確實證據徒快一時之語本部未便率准且一經查究倘有虛誣致該民等反受誣等官吏處分殊爲不忍該民其憤思之母輕以身試法也此批副呈粘並附

批馬伍氏呈控法官聽捏曲判由

批高等地方兩檢察廳對於該氏夫不服警廳處分所爲不起訴處分尙無不合如該氏於陳壽南捲騙一案有確實証據另案向法院呈訴可也粘抄副呈并附

批順德商民方祐之呈爲無辜冤押請飭廳省釋由

呈悉已令行廣州地方審判廳迅予查明原案實在情形准予省釋或先行交保矣

批顏壽三呈李榮祥等挾仇兇毆通警拘押由

呈悉已令行廣州地方檢察廳迅予查明原案如果所呈屬實卽准予省釋或先行交保矣此批

批黃逢辰等呈爲警官規庇花會請飭縣懲儆由

呈悉查花會爲害地方久干例禁據稱警官從中規庇証據確鑿尤屬至堪痛恨惟事關警官不法行爲仰卽前赴警務處呈控可也此批

批劉家鸞等呈訴何灶等折竇決水由

呈悉仰卽自行赴法庭呈訴可也此批

批陳全等呈訴潘度等押勒強搬由

呈悉仰卽自行赴法庭呈訴可也此批

批伍國鏗等呈請司法存款撥廳給款由

呈悉本部現正與財政部會商辦法候定有辦法再行飭遵可也此批

▲廣告▼

○軍政府印鑄局公報處廣告(一)

本公報價目

一本報每日出版一號

二定購一月者定價大洋八角三月二元三角半年四元五角常年八元須先交報費

三國內及日本每號郵費半分南洋美洲各埠郵費酌加

四零售每號四仙

○軍政府印鑄局公報處廣告(二)

啟者本公報既出版數月來定購者日增無已茲除各行政公署及各公共團體送閱一份外其餘各個人恕不贈送愛讀諸公請函致本公報發行處定購可也此佈

中華民國七年二月廿八日

軍政府印鑄局公報處啟

○大元帥府參軍處啟事

啟者大元帥府之電話號數如左

秘書處二二零零

參軍處副官室庶務科二零四四

衛隊室二零六九

大元帥府參軍處啟